

唐
樓
志

72449

12440.17

739

部五八

唐樓志卷十九



仁和王同輯



詩紀

騷人過客觸景徘徊船唇馬背北往南來維我唐樓
實爲孔道譬彼輜軒其風肆好作詩紀泛詠唐樓者錄此餘則詮

敘各門概不闌入

五言

西水送女

許光祚

靈長

西水大道傍野航艤屋下幼女方合婚倉皇去親舍牽衣
問不休骨肉胡飄瓦生女不生男衰年送遠嫁呱呱懷中

唐樓志

詩紀
卷十九

一

兒亦解敘情話行人咸慨慷何事能勸駕揮淚未轉盼天
盡一帆挂

同西水諸子偶飲

張丹

祖望

日落景已夕秉燭此遨遊開筵清沼上列座俱名流雕盤
陳庶味杯酒遞相酬雖無絲竹音談笑良有由霜木明高
軒陰雲漸已收予懷適不樂仰視河漢流鴻雁翔沙際哀
鳴自匹傳玄髮倏改素盛時安可留良會不易逢胡以敘
綢繆願言諦交誼金石協所求

同張祖望沈聲令塘棲晚眺

沈謙

去矜

棲上殊佳勝招携復兩君舊遊堪此續名跡詎空聞水近

孤城合天圍越壘分馬山全隱樹龍廟不離雲市晚舟俱
集溪寒酒未醺三年成契闊百里見殷勤園橋時方薦沙
鷗口亦羣浩歌高興發新月對斜醺

塘栖道中

孫爾準

平叔

青山澹晴姿桃花如遠燒窈窕望不極流光媚初照厓平
新漲闊百里無奔峭桑疇閒菜畦人家隱蓬藿篷窗廢書
坐沿流攬衆妙綠簑罽紅雪何人靜垂釣疑入武陵谿柴
桑又同調

泛舟至唐棲

馮如璋

襄哉

出郭未里許烟霧失老屋棹歌斷隔溪遠遠櫓聲續漁舟

唐棲志

卷十九

詩紀

二

載落紅鳥語出寒綠垂釣我無心笑唱春波曲

塘棲

吳存楷

端甫

落日里輕榜歸來遠相待行行鄉縣近水木意瀟灑菱紅
熟已久橘綠香可采偶見漁樵人挈榼共酤買入耳鄉語
熟我亦音未改指點問遺墟興廢閱幾載離家日月久塵
事幻桑海歎息且移舟拏音聽欸乃

塘棲

王乃斌

吉甫

三春卷裏詩千里枕邊水今夕聽鄉音翻覺換人耳燈光
夾岸流月色前林起隱隱見青山云隔臨平市與客銜酒
杯呼童檢行李顛倒著衣裳不寐亦可喜憶昨寄家書但

云欲歸矣日月渺難知江湖迹頻徙妻孥盼歸期自我寄書始玉蟲綴鐙花懷哉半疑似

自唐栖歸里見雪 孫人鳳 翔伯

朔風吹我衣夕陽送歸里入室如磬懸二女見我喜 時大女姪

女住家 繞膝兩外孫呼爹不能止餅餌與充飢可憐爾父死

袁安閉門卧矮窗寒破紙一夜獨成眠曉來白如此園棗未著花六出呈瑞始心中有程門道心岸然起天哀四方民流賊當己矣果有入蔡李人各還桑梓

塘棲舟中 何兆瀛 青菴

舟行自東南風來忽西北石尤胡作劇滯我武林客鴛湖

唐棲志

詩紀
卷十九

三

望咫尺未至心愈迫平生所遭遇舉步輒迴折對面一船到風利不得泊舟中爾何人快意應自得水懦未可狎慎哉此利涉老夫心澹定默坐看風色落日在船窗一片荒蘆白

七古

夏自卓徵父社丈還唐棲賦短歌奉送 俞沂

送君六月苦炎熱滄江積雨潮如雪遊人忽忽幾春秋古道綿綿足離別離別從來愁恨多留連不住欲如何雕梁落月雙鬢酒銀漢停雲一曲歌對酒清歌懽不極酒盡曲終成涕泣山人感義分袂難舟子占風促裝急君望鄉關

向我辭我向汀洲望君立况兼時事交可憐征輪朝夕困
防邊請君慎勿耽高卧天子方思卓茂賢

唐棲晚歸至三里塘雷雨驟作

馮如璋

襄哉

烏雲變狗起山角菰蒲獵獵風色惡阿香雷鼓聲大作雨
意猶在西北郭欲來不來電霍霍怪底老龍身一撲長鎗
大箭劈頭落憎我舟小瓜皮若欺我烏笥一紙薄恍如五
丁開華嶽神兵鬼斧一齊鑿又如太乙弓拏攫革囊射破
珠絡索一舟之中竟成壑衣裳都付雨師濯雨勢挾船船
忽擱面色如紙身無著大聲呼天相與謔以人爲戲得毋
虐少焉西山射日脚行客破笑舟子躍烟波深處一篙掠

唐棲志

詩紀
卷十九

四

歸來買酒喜大酌紅兒爲我薰衣著

五律

塘西

陳基

敬初

牽舟復搖櫂日出還亭午風遞五林秋雲挾塘西雨盈盈
採蓮槩坎坎迎人鼓對此欲忘歸停橈更容與

塘棲夜泊

汪中柱

見杭州府志

停橈繫淺岸寄跡似飄萍稻黍平疇熟魚蝦晚市腥殘烟
籠古樹遠火映迴汀盍旦爾何意勞人枕上聽

塘棲曉望

沈朝煥

太玄

市門通水色海氣蕩朝雲渡口亂人語沙頭起雁羣晴霞

暖紅樹湛露滴寒芬櫛沐舟中早漁歌一夜聞

塘溪晚眺

得涼字

卓明卿

澂甫

碧樹圍平野溪風引暮涼越歌徵白雪吳唱起滄浪偶聚
星臨座閑眠月到床不知修竹外飛露濕琴張

同沈商書金漸雝卓麟異王洽諸君泛棲水

朱一

是近

修

澤影見魚逝澄鮮不累秋寬能容百頃靜許到孤舟被渚
紅生蓼依沙白散鷗何須鏡湖曲卽此可淹留

早秋懷張子客塘西

沈謙

去矜

一別遂秋節懷君心亦悲漫彈天馬引應念鵲鴿詩舊館

唐棲志

詩紀
卷十九

五

蔓荒草征衣多脆絲鄉書邨不寄祇訝雁來遲

過北山訪張玉書道兄已歸棲上遙有此寄

沈謙

去矜

尋君役西棹別易會何難遽爾勞鄉思能無盡客歡鶯花

正月早雨雪兩峯寒書札憑誰寄歸鴻去渺漫

塘西舟中送張鳳筠歸雲間

田藝蘅

子藝

偶逢茗上日蹴鞠蕩紅裙又泛塘西月吹簫散紫氛歡
魚得水離思鳳歸雲莫報隣舟發酣歌拚夜分

舟次會夏伯高徐文卿諸兄遂同集塘西俞潤之宅夜分
別去

道路多豺虎遲回日已西停舟俱水次聯席在塘西節序

驚春雁離情待曙雞雲間三泖濶風雪更淒迷

塘西道中同孫無言作二首 王士禛 西樵

容裔塘西路微風信棹過菜花明照岸嵐影遠當波曉渚
還如鏡春雲的似羅與君聊屈指何物抵漁簑

泛宅他年意推篷此日間空明浮堰水濃翠入窻山兼可
生遐想甯徒淨旅顏錢塘還咫尺幽興六朝間

舟發棲水 王潞 彌菴

非關催老大意與客相安囊藉新詩重春同別意闌漸增
一夜雨帆怯五更寒共說朝嵐好何人賦考槃

送卓月波先生還棲水 陳文燭

唐樓志

詩紀
卷十九

六

之子還南國翩翩有去軺風塵携短劍雲壑見孤標山色
晴疑雨江聲暮上潮懷哉棲水曲何日共蘭橈

塘西道中 朱陵 望子

暮帆風日緩客况自淒淒菱葉澄波濶桑陰斷岸低人家
烟火際山色石橋西蓮艇時相值清歌遠漸迷

棲水同韋六象金羽周張子韓卓子孟集沈橫槎鑄耕堂
并呈沈子武抑 葉大緯 玉岑

三徑霜初覆寒花開未齊雲橫山嶺暗月落海門低雅志
安耕鑿雄譚任滑稽伊人秋水隔蔓草自成蹊

丙申秋日初至西水得詩四首 程光煙

仲蔚仍開徑高陽舊有徒蒼山綿草莽碧水鑑菰蘆秋爽
天逾朗談雄夜更娛賞心良晤在珍重唱驪駒集沈橫槎
鑄畊堂
取道紆行北尋園雅集西竹林幽抱屋花徑曲緣溪棋局
爭蛇雁酒銜辨鬲臍羣賢信可樂數句輒能題集沈武抑
尊公履思
堂

車馬從江介龍蛇自澤中問心如皎日入室有清風小西
藏書異大山奏賦同古人重高會於此意無窮集張此韓
二雅堂
入門殊不覺築室定焉如亭寂堪招鶴池荒頗種魚古藤
懸墜石嘉樹蔭文除誰識千年下窺園董仲舒集張半絃
老人綠雪
堂

唐棲志

詩紀
卷十九

塘棲曉發 鍾何傑 俊友

游子神間曠夢餘每憶家纔離棲水鎮泛石門槎野店
浩朝酒橫塘散曉霞披衣頻悵望烟隔一溪花

棲水晚泊 俞珮 季璫

秋郊堪寓目晚泊試推篷木葉干林雨蘆花兩岸風地連
湖墅北帆指石門東此處幽棲者漁磯一釣翁

棲溪雜咏 沈士榮 汗干

長虹垂帶礪一水自隈斜岬倚三吳舶煙籠十里沙秋原
紅橘柚春野綠桑麻萬井人如昔時危尙戀家

塘棲夜泛 陳鳳舉 翼九

秋水澄空碧篷牕枕簟清風輕吹浪緩月出逐舟行乍喜
聞鄉語遲歸動客情幾年垂白意雲樹夢魂縈

塘西晚歸舟中作 勞本和 幼農

一路炊烟起孤舟向晚行雲輕殘日漏港曲野鷗迎打槳
過橋疾開尊酌酒清漁歌殊未歇幾處答唵聲

晚次塘栖 王臺 春熙

鄉關猶接壤晚次屬征程風緊收帆重船空載月明恨無
排悶物喜有擁吟情逆浪聽魚去生平畏獨行

塘棲放舟暮泊溪村 張應昌 仲甫

壓岸雲翻墨掀天浪簇花隨風鴉點亂撲面雪珠斜旅夜

唐棲志 詩紀 卷十九

八

樽儲酒孤村客當家更闌醒短夢明月照寒沙

月夜唐棲道中 魏成憲

丁山湖上月照到下塘西人影吠寒犬川光隱凍鷺市梢
漁火淡橋外峭帆低近適年來嬾顛當愛穩棲

晚泊塘棲 沈廷芳

又是塘棲路啼鶯喚客頻夕陽明故國烟艇泊殘春樹老

猶傳宋 南宋釋永頤塘棲寺前 花開欲問津 丁家山桃 舊

遊感凋謝惆悵獨歸人 追懷楊清枚太 守周讓谷刺史

唐棲道中風雨不寐 見碧雲紅樹山房詩鈔負米集

出門第一夜便繫老親心岸削風剝燭篷欹雨溜襟狂雲

飛遠岫寒霧壓長林料得高堂上圍爐話擁衾

塘棲 范元偉 春船

鄉語依稀是歸家路匪遙市聲喧兩岸帆影落雙橋烟水
連天濶魚燈此地饒臯亭山咫尺舉手若相招

晚泊塘棲鎮同戴丈鷗亭作 李汪度 寶幢

餘霞開夕照小艇接烟村未覺鄉愁遠猶聞市語喧漁歸
燈火亂人宿水雲昏一枕篷窗底吟懷剪燭論

塘棲 倪國驄

身竟爲名役同儕別恨新人違南國雁路入帝鄉春雪意
低雲緊溪容逼晚真絕憐衣在笥從此浣緇塵

唐棲志

詩紀 卷十九

九

夜過塘西 女史沈善寶 湘佩

挂席塘栖路離鄉第一程涼風吹袂薄孤月向人明燈火
高堂夢煙波旅客情吟成誰與和村柝正三更

七律

舟泊塘棲 葉燦

匹馬殘冬憶帝州今年仍作越江遊怪來歲歲天涯客何
異飄飄海上鷗雪壓布棚昏不渡杯驅寒色強相酬無情
最是唐棲水故向愁人日夜流

重到塘棲尋沈聲令兼晤令叔定山行人夜飲留別 沈

謙 去矜

丹楓葉落正秋期兵後相尋更可悲
小阮入林常自醉故侯辭國畏人知
庭窺皎月愁飛鵲山峙清溪見伏龜
當日漫彈瑤瑟怨別來應各鬢添絲

夜過棲水訪卓月波光祿 黎民表

美人家住水西頭樹色深藏別墅幽
古寺荒烟來薄暮折荷殘葦占清秋
忘機魚鳥偏相狎移日琴樽得並遊
兩度對君添白髮吏情真欲付滄洲

唐棲訪卓漱父不遇却寄 屠隆 緯真

歲晏王孫何處逝蒹葭晚日興汀洲
灌花獨有園丁在看竹曾無地主留
十里歌鍾喧列肆萬家烟火傍孤舟
明年

唐棲志

詩紀
卷十九

十

野服還相過我已逃名學伯休

塘西

王鐸 覺斯

浙水西來見早雕絺衣橋畔氣蕭蕭
幸辭戎馬兼強弩忽見紅花上綠蕉
海近沙明蠻樹黑土稀人哭瘴烟消
餘生悵望東周事飄泊梅天遇晚潮

懷鄴水孫銘三 韋人鳳 六象

與君連袂是何年此夕相思望遠天
花滿河橋春雨細草迷江館暮雲連
馬卿多病愁無計阮籍窮愁空自憐
聚散萍踪應共恨回看雲樹益凄然

吳俗春日羣事祈福進香三竺者是日來船千數晚泊唐

樓同丁子象巖登樓望之歸成此詠 沈士鑛 寶臣

橫塘舟楫裊香烟蠟炬連紅耀百川吳地佞神成古俗商人尙鬼自今年牽風細攬拴河館蹴浪輕鑼篩市廛携手逡巡聊極目滂勞娛景夕陽天

至棲水訪徐野君兼訂社約 孫爾焜 彝晦

天涯知己敢躋攀樹樹秋聲老鬢顏此日形骸匪轉石一生契誼總如環橫塘落雁情何極海上羣鷗意未闌縱使萍踪無係住自應聲氣暗相關

過棲水訪徐野君詩以代刺 張爾翼 文舉

何堪處處起秋思漫憶神交閱歲時湖海未除豪客氣風流曾見美人詞霜青老樹楓痕晚水咽寒塘雁影遲此地有情原不淺敢將落落向人知

唐棲志

詩紀
卷十九

十一

陸冰修舟次棲水夜過 沈士鑛

春風送客迷前路口雨蕭疏上草堂喜有足音驚戶牖詎無樽酒話情長坐焚高燭明花露笑貯冰壺隱月霜對話莫嫌天向曙三年柳色已沾裳

宿棲水 程霖 雨三

濛濛細雨曉鐘催遣興孤篷一舉杯歸夢却從今日始漁歌偏逐異鄉來湖橋寂寞知堤柳驛路殷勤憶隴梅莫向此中頻慨嘆梁園當日自憐才

留別棲水諸同社 翁紹揆 允贊

孟浪文章老一身十年江漢去來頻
黃花纔趁杯中酒秋色又分月下人
勝事每嗟良夜少論交應喜白頭新
明朝歎乃滄洲上回首亭臯獨愴神

江上寄懷棲水諸同社 翁紹揆 允贊

帆掛西風路不難搔頭飛過數峯巒
巒分携幾日人千里浩蕩空江月一團
好夢未成蝴蝶嬾離愁無柰水雲寒
多情若有南來札家住仙霞十八盤

鄴水席上遇胡彥遠 張振孫 祖定

良朋久別夢魂勞旅夜相逢興尚豪
水市帆檣燈火亂秋

唐樓志

詩紀 卷十九

三

天霜露雁行高十年浪迹生華髮
一席同襟醉濁醪最是知音寥落甚
朱絃喜爲故人操

歲暮至棲水喜同學諸子偕集 韋人鳳 六象

歲暮冬寒草具腓孤舟遠道向誰依
飄零短褐無家計老大狂歌有釣磯
雪到關河梅欲放冰深湖海雁長飛
並遊朋舊歡相聚潦倒荒村未擬歸

冬暮歸前溪寄棲水同學諸子二首 韋人鳳 六象

慚余窮愁何所託終身彈鋏向林溪
已甘貧賤人皆棄却喜朋徒老共棲
萬井晴烟寒日短三江雪浪片帆底
風塵遠棹歸來晚回首天涯總是迷

古寺寒烟散郭門倦遊長住水西村穿林鳥雀寒相繞隔
浦鳩鵲雨並翻白髮祇堪依釣客朱樓時復倒青樽莫言
朋舊相逢易飄泊江河未可論

芒種前二日塘棲道中 徐公燮

岼闊蒼烟夾石梁市喧入夢過湖塘縑絲易粟桑田飢解
網穿魚水國糧觴映汀蒲疑日午帆隨溪雨待梅黃先生
吟嘯居然勝斗室孤舟坐一窗

同棲水諸子夜集 陳之羣

殘冬石路莓苔滑草閣携樽過夜闌避世應留知己在逢
人猶作酒徒看風迴竹戶霜灯裊雁落楓亭海月寒蚤是

唐棲志

詩紀
卷十九

三

清笳催玉漏香醪碧椀莫停乾

月夜塘棲舟中同沙謝作 厲鶚樊射

故人襆被共出城疏林明月夜棲行悠悠徒抱文字癖落
落但話江湖情四十五日夜方永一百八聲鐘最清朝陽
初上睡翻著船頭已見含山迎

塘棲道中 沈心房仲

欸乃輕舟入水雲官橋烟柳幾行分靄橫遠岫凝松黛漪
漾清川散縠紋樂府競傳洪玉父隱君還憶下田君謂洪

金界山 芒芒往蹟飈輪轉倚棹高樓酒半醺

曉次塘栖東同學諸子 朱彭清湖

孤棹夷猶向曉天水村風景尚依然淡烟浦溆沈魚網初
日陂塘散鴨船春到林間纔幾日客遊江左動經年吳山
舊有茅堂在遠道依人只自憐

夜過塘棲 諸以淳 淳甫

扁舟夜過舊臨平四百郵籤第一程兩岸寂寥人幾輩修
廊曲折月三更死生不負良朋約蹤跡難辭浪子名拋卻
故園甘遠役何須心事向人明

塘棲道中 諸克紹 文漪

柔櫓輕舳快小晴夕陽斜映戍樓明千家遙辨暮烟色隔
岸不聞人語聲名士聊從林下卧客遊此是最初程何當

唐棲志

詩紀
卷十九

齒

乞取江風便萬竹園中奉杖行

雨後過塘栖 汪沆 西顥

虹收林外散輕雷晚趁涼波一櫂開市語漸喧鐙火出生
衣欲換水風來橋邊算橋追前事篷底聞歌獨舉杯待訪
蕊淵人已邈不勝淒絕意遲回

塘棲 梁齡增 仙槎

襍被輕裝下碧流西塘景色逼殘秋障街風雨千塵瓦趁
市魚鰕一葉舟濟世誰售丹藥訣當墟草作酒家流停橈
信宿因何事翻笑謀生等贅疣

塘棲夜泊 高人鳳

鷗夢荒荒落遠天幾家砧杵別魂牽雁將來候蘆先白霜
到濃時月有烟橘柚吹香初入市魚鰕向晚不論錢今宵
又抱孤篷影水宿風餐我已便

塘棲雨中

吳錫麒

穀人

不因風雨減秋光特送詩情到客航雲氣界開山遠近人
家畫入樹丹黃隔橋聽唱菱歌熟比戶催輸橘稅忙棲乘
一編遺墨在他時切莫寓公忘

亡友何春渚曾寓此著有塘棲小志

塘棲曉發

張應昌

仲甫

紅日催醒溪艇眠三三兩兩出寒烟岸搖波影簾紋颭鴉
抱桑枝墨點拳霜葉丹黃深淺間魚莊茅竹整斜編豐年

唐棲志

詩紀
卷十九

五

亂後尤堪喜銜舳南來載米船

二十八日唐栖賊至余已至家聞次日賊退作
孫人鳳
翔伯

獨醒獨醉與誰論未了塵緣守里門筆硯隨身愁可寫水

村浪跡樂猶存

連日走范村留下

時艱草莽憂天下賊退慈悲禮

世尊

各憲聞警恭請大士鎮武林門

事業行藏空咏杜但寬心地待兒孫

唐栖舟中

孫人鳳

翔伯

放棹栖鄉值歲寒昨宵雞黍故人歡有情黃葉風前下無
恙青山雨後看滿載詩書收蠹簡初開煙水露魚竿鷗鳧
拍拍知春意與物逍遙興未闌

七絕

下塘詩

按唐樓宋名下塘

宋高九萬

菊礪

河水新添三尺高
河邊蘆葦有龜巢
流波夜夜飄漁泊
空點籃燈照樹梢

日出移船日又斜
蘆根時復見人家
水鄉占得秋多少
兩岸新紅是蓼花

夜泊唐樓

屠僑

出關彌望凍雲低
晝鷁迎春未試題
四十五程燈火夜
一川風雨泊唐樓

樓上重九作四首

丁文策

叔范

唐樓志

詩紀卷十九

共

秋風寥廓漫登臺
萬里寒雲一雁來
為問故園籬下菊
今朝重九幾花開

南山雲樹鬱蒼蒼
棹取孤舟入醉鄉
不識來年何甲子
旅人三次度重陽

澤國周遭盡水濱
驚飛蛺蝶尚尋春
謝公能赴龍山約
縱有桃源不避人

西蜀名箋勝薛濤
裁詩未就首頻搔
歛然落筆雲煙散
換得黃花伴酒膠

舟過塘西

吳本泰

美子

樓水人家傍水樓
水程遙不辨東西
平鋪菱葉灣灣綠
瀉

鵜鷓鷀眼亦迷

塘西竹枝詞

仲恆 道久

家住塘西西界河阿儂辰夕自經過入市待翁沽酒去間挑野菜唱山歌

宿唐樓

李淦 若金

望裏青山下夕陽迢迢數遍石橋長戍樓南畔餘燈火記泊杭州第五塘

西水距錢塘江不百里山水皆自天目發源而西北地勢又從茗中夾來故秀氣甲于三吳諸鎮 呂律 翼令

溪塘百里浙江湄風物山川自昔時山由天目裙拖帶水

唐樓志

詩紀 卷十九

七

落茗源本一支

塘樓

朱楓 近漪

埜岸蟲聲向晚多秋風秋雨柰愁何枯荷析葦唐樓路一夕小舟撐夢過

七月四日唐樓阻風

梁齡增 仙槎

有客停橈艤岸隈暴風終日響如雷不愁歸去舟程阻輕掛征帆卻悔來

漁舟一葉水迢迢打槳如飛去漸遙赤腳蓬頭安坐穩便

他生長習風潮

無數牆帆陣馬馳來船迅速去船遲中流未肯隨人轉乘

此長風會有時

絺衣口耐早涼生
添得新愁在此行
聽水聽風兼聽雨
沿塘葦荻又秋聲

塘棲 朱樟 鹿田

澹蕩朝霞渚尾開
淥蘋約斫嫩於苔
支河曲處平橋截
短櫓嘔啞出樹來

雁齒橋邊隱釣家
昨宵郭索上金沙
無情最是紅衫女
摘盡秋塘白蕩花

唐棲晚泊 梁齡增 仙槎

無端一棹下唐棲
穩卧篷窗不礙低
到岸不知春正曉
里

唐棲志

詩紀
卷十九

六

仁橋外鷓鴣啼

夜過塘西 李汪洪 卣甫

淡黃微月上孤舟
燈火人家古渡頭
我是離鄉初有夢
櫓聲搖入白蘋洲

塘棲 徐以震 省若

三分橋下急撐篙
淺水纔通艫自操
驟暖蠶娘擔葉健
久晴漁子把竿勞

過唐棲鎮 高鳳臺 越垞

支河曲處轉平橋
已渡郵程卅里遙
斜照滿山知市散
吳歌聲裏一舟搖

塘棲道中值雪 吳錫麒 穀人

裂葉風寒雪片麤
家山眼底轉模糊
楓人十尺負崖立
如畫紅衣關塞圖

一杵鐘聲到枕清
丁山湖口峭寒生
正思風味吳天美
落爬沙出籩行

塘西 吳振棫 仲雲

鄴水無波似鏡平
野枇杷下雪初晴
寒鴉比我歸心急
已趁殘陽亂入城

舟泊塘棲 張應昌 仲甫

纔挂春帆得便風
出門歡喜謝天公
暮烟繫纜塘棲市
照

唐棲志 詩紀 卷十九

九

水滿湖燈火紅

秋風送涼暑氣如滌
往來唐棲道中即景成六絕句 孫

人鳳 翔伯

湖山佳處愛清遊
挈眷栖鄉四月週
身似白雲隨去住
水

南水北最宜秋

問訊東橋號里仁
鑪香崇奉漢唐神
祀關帝唐睢陽張侯 雨閒正氣

今猶在雲水光中
廟貌新

江邊小市數家連
負擔鄉民笑拍肩
盼到夕陽無限好
老

漁沽酒數青錢

西小河通東小河
扁舟來往市門多
涼風吹起蕢洲月
大

好中流聽權歌

碧天橋上碧天清準擬中秋步月明祇恐渡船晚歸去余
餘橋內進出必須一渡晚不及商量一榻卧先生

西子湖頭唱竹枝當年老鐵好風姿斯鄉一棹煙波裏媿
續揚州絕妙辭

遷棲水 孫人鳳 翔伯

兒女姻緣休戚同廿年情好各稱翁 余與芸甫因春風楊

柳餘橋過悔不移家二月中 被亂前四日芸甫以

見新月時往唐棲舟中作 孫人鳳 翔伯

小春煤信放枝南未得山中小築庵去住無心雲水寄一

唐棲志 詩紀 卷十九

辛

鉤斜月值初三

唐棲雜詠 朱麀 麀為國初時人今補錄於此

溪篷遲卸碧天橋賣酒人家隔岸招最是吳娘好裝束卻

隨估客倚蘭橈

漢陰桑柘舊漁磯坐老猶能說翠微我亦忘機頻坐此夕

陽閒看鳥爭飛

紛堞紅樓夾岸開明妝爭看踏青回珠簾上下春風影短

楫輕橈莫漫催

清流閣外清流亭清流亭下春水生但見山僧時洗鉢不

見有人來濯纓

拱木攢陰古苑墻
笙歌消歇剩淒涼
於今祇見纍纍塚
寒食年時有奠漿

官舍荒涼草滿庭
久無雀鼠訟間情
年來米價和絲賤
校米稱絲不與爭

橘柚臨秋滿市香
吳刀細切縷飛黃
雖然不及金莖露
慚愧山儂得飽嘗

鄴水紀游

王拭

本滿洲顯者庚申之亂走唐棲晦其名曰王拭偽託也舊與勞季言為文字交

時季言已故勞庸甫館之於家傅曰王先生善舞劒吟詩彈琴寫花卉器宇不凡嗣唐棲為賊踞避水南村不久病故

小舟衝破水雲開
兩岸桑麻密密裁
繞過超山青一角
耳

唐棲志

詩紀
卷十九

三

中隱隱市喧來

人家鱗列水邊樓
樓自浮空水自幽
想見當年唐處士
隱居此地足勾留

摩肩雜沓互追踪
曲直長廊路路通
絕好出門無礙雨
不須笠屐學坡翁

遺事傳聞宋福王
羣妃殉難在王莊
定知紅粉溝中水
千古潺潺不斷香

避難當年溯武胥
鰈生今亦避兵居
千秋多少英雄淚
灑到流離又有餘

唐棲雜詠

效元微之體
十首錄六

徐林

琢珊

吹餘鳳管譜鶯歌新歲原來樂事多憶得水南傳爆竹關
心又是一年過

歌船畫舫賽清明簫管崢嶸映翠旌憶得丁山湖畔過龍
舟打漿逐波聲

摘來櫻筍佐郇厨梅子辛酸解渴時憶得河邊爭葉價故
鄉恰喜賣新絲

蒲搖檣影落官塘風定荷池款晚香憶得羅衫紈扇客里
仁橋下納新涼

杵聲敲徹萬家秋黃葉蕭疏舊酒樓憶得高莊人玩月文
明閣影峙中流

唐棲志

詩紀
卷十九

三

凍雲殘雪兩蒼茫嶺梅花冷更香憶得山樓沉醉後吟
魂猶戀大明堂

過唐棲得順風口占

何兆瀛

青耜

新寒連雨水添肥帆飽如雲去若飛幾日打頭風過了今
朝纔得順風歸

詞附

木蘭花令

送馬中玉

蘇軾

知君仙骨無寒暑千載相逢猶旦暮故將別語惱佳人
要看梨花枝上雨落花已遂迴風去花本無心鶯自訴
朝歸路下塘西不見鶯啼花落處

桃源憶故人

過唐棲懷張玉書

沈遘聲

殘星欲落朝霞起一水盈盈天際無數布帆搖曳誰把離
懷繫寸心怎倩雙魚寄耿耿故人知未浪跡低徊難記
聊把征篷倚

唐多令

棲水道中

吳錫麟

穀人

唐棲志

詩紀
卷十九

三

野綠自成春陰濃畫不真幾家茆屋結比鄰竹樹二分嫌
未足須遠水補三分酒旆屢招人漁榔轉一村夕陽破
網曬當門土步魚肥新筍白斟老瓦聚兒孫

補遺

過唐樓 費丹旭 曉樓

早近唐樓路披衣拓短篷水煙蒸曉日林橋墮西風消息
孤雲外年華淺夢中此村真樂土澤國少哀鴻

至唐樓順風抵武林門 孫衣言 琴西

登舟已十日九日南風顛毒哉風伯虐令我歸期愆晨興
轉風色仰見高帆懸船頭颺細雪暗浪鳴濺濺舟師坐倚
柁有時歌扣舷滯滯旣以解無意爭人先須臾兩高峰蒼
蒼盈我前流波遠照耀翠眉舒連蜷知是湖土山清光爲
誰妍垂楊過微雨新荷浮綠錢明朝買斗酒去醉西湖船

唐樓志

詩紀
卷十九

三

